



AEU-2

**KALAALLISUT ALLATTARIARSORNEQ /
GRØNLANDSK SKRIFTLIG FREMSTILLING MAJ 2017**

Piffissami nal. ak./Tidspunkt.:

Eqimattani oqaloqatigiinneq/Samtalerunde kl. 9.00-9.30

Kisimiilluni allaaserisaqarneq / Individuel besvarelse 9.45 - 12.00

Ulloq misilitsiffik/Dato:

Tallimangorneq / fredag den 19. maj 2017

Ikiutitut atorneqarsinnaasut / Hjælpemidler:

Taaguusersuutit

Oqaatsit

Ordbogen/Oqaasersiuut

Oqaasersiorfik

Qarasaasiaq internetimut atanngitsoq / PC uden internet

Misilitsinnerup sivisussusaa / Varighed:

Akunnerit pingasut / 3 timer

Atuartup aqqa / Elevens navn:

Cpr-nr. :

Majoriaq:

Nakkutilliisup atsiornera / Prøvevagtens navn:

Piffissaq tunniussiffik / Tidspunkt for aflevering:

ALLAASERISASSAT IMARISAAT:

Allaaserisassani toqqagassaq 1

Suliassaq 1: Ilanngutassiaq "KALAALEQ" atuaruk.....	3-4
Suliassaq 2: Allaaserinnittumuna kalaaliussuseq qanoq isummorsorfigigaa?.....	5
Suliassaq 3: Kalaallit inuiannut allanut sanilliullutik suut immikkuullarequtigaat?.....	5
Suliassaq 4: Kalaallit suut pikkoriffigivaat? Pikkoriffitillu siunissami qanoq atorluarnerusinnaavaat?	6

Allaaserisassani toqqagassaq 2

Suliassaq 1: Taallaq atuaruk.....	7-8
Suliassaq 2: Taallami sammisaq allaaseriuk.....	9
Suliassaq 3: Taallaq isummerfigiuk.....	9
Suliassaq 4: Kalaaliussuserput ukiut 25-t qaangiuppata qanoq inissisimassanersoq takorluukkeraarutigiuk piumaguit taallartalersinnaavat.....	10

TOQQAGASSAQ 1

• Suliassaq 1: Ilanngutassiaq "KALAALEQ" atuaruk.

KALAALEQ



Siullermik nuannaarutigalugu oqaatigilaassavara kalaaliunera tulluusimaarutigigakku, naatsorsuutigaaralu ilissi atuaruususi tamanna aamma isumaqatigilluinnarsimassagissi.

Kalaaliussusera ersepoq kalaalerpalullunga taartunik nujaqarama, aasami assakka qernarissisarlutik soorluluunniit aaqgateqaannartunga ukiumilu paqqingarpasikujullunga palerniillaraangama. Kinaassutsinnilli oqaluttuartup annerpaartarigunavippai oqaatsikka, sumiorpaluutimalu sumit aggersuunera. Kalaallisut oqaatsivut takeqaat, taamaatumillu kalaallisut atuagarsornissara eqiagaara oqareennittummi kalaallisut oqaasersuagut takinermit, qallunaatut atuaruma sukkanerussagama DANSKIT oqaasii atuaannartarpakka.

Issittumi najugaqartuuvugut, tassami ukiup annersaa issittarpoq, immaqaluunniit imak oqaannaraanni issittarnikuuvoq. Taamaattorli puisip amianik atisaqanngilanga, sumilumi pissarsiarissavakka? Great Greenland sinerissamiluunniit tunisassiaqanngilaq, pisissaguma na'aa ilinniartuunnaallungalu... taamaattorli kalaaliussusera ersersikkusuppara; kalaaliugaannilu ataatsimoornermut ilaanissaq pingaartupilussuuvoq, kisimiikkumami nunami taamak peqqarniitsigisumi annaffissaqanngilanga, aap kalaaliunera ersersikkusuppara allat assigalugit.

Issittorsuummat Canada Goosemik kavaajaqartariaqarpunga aammalu Peak Performance, Bergans Of Norway, Napapijri, Pajar North Facerlu kavaajani taakkuninnga peqanngikkaluaruma immaq kangiamiorpalaassagunaraluarpunga. Tassa taakku kalaaliussutigaakka. Arnaagamalu G-Starinik, Onlynik, Dieselinik koorpoqartariaqarpunga, Adidasinik, Nikenillu qarleqartariaqarlunga. Taamaapportaaq tujuuluit, tujuuluaqqat, kiatit kiateeqqallu. Ilupaqutillu tassa undertøj Diesel, Bjørn Borg, Pieces kalaaliuguma pigisariaqarpakka. Kamippannik immaqaluunniit skuut Salomonit, Dicit, Kawasakit, Conversillu atugaraakka. Puisimmi amiinik kamiit aamma sumi pissarsiarissavakka, quaattuinnaapajaassallungalu nalungaarakkit. Tassa taakku atisat atorukkit kalaaliunera ersersittarpara. Oqqimmatalu timima pisariaqartitai ilaannakortumik pisalerpakka ilami kalaalimerngit kakkaak akisut, angallateqarnangalu tassami ilinniartuunaagama, qallunaat nerisassaannik taarsertariaqarlugit. Qaammat naasimagaangat Brugsenimi 28 dages middagit 799 koruunimut akikillismagaangatigut pisiortortaqaagut. Kalaaliminiusuuppatami 799 koruuni matta kilitamerngit marluk panertullu sisamat naammaqqajarpur immaqalu saarullik affaq. Perleqqajarpunga.

Tassa ullunni kalaaliussuseq ersersittagara, nunami peqqarniitsorsuarmi inooqataarusunnerma tamakku tamaasa pilersittarpai, akiilu eqqarsaatigiinnarlugit Brugsenimi atisanik Unitsinik mærkilinnik pisisarsimagaluaruma qassinimmita sipaaqqajarpunga, kisiannili kalappasikujunnissara takutikkusunngu. Tassaana taanna kalaaliussusera ersarissoq qallikkut takuneqarsinnaasoq, mininnaguli qungujulanissaq.

Allattoq: *Dorthe-Marie Morgensen*

Tigusiffik: ANU UNA nr.15 August 2013

TOQQAGASSAQ 2

• Suliassaq 1: Taallaq atuaruk.

1. Isuma qarputit soqutaanngitsunga
atuagassaqarnanga inuusuugama,
ilittummi atuagaqannginnama
atuagarigakku qajannguara
qatsungaartumi anorersuartumilu!
2. Isuma qarputit soqutaanngitsunga
qangarsuaq tassa inuusuugama,
inuuvungali piniartuullunga
ajorsarnanga napatittuuvunga
peqarluangaartarlunga tamanik
sapissananga silami pisunik.
3. Timersorneq aamma ilinniagaraara
nukersorneq assut pingaartitaraara
qimaasummi tuttuq malersugaraakka
angullugit aamma pisittarujakka,
pisassakka artugarinngisaraakka
noqittarlugit ussuiq, qilalukkat!
4. Ataqqivagit atuartaravit
takornartanullu angummakkavit,
ataqqinngali siuaasarigamma
takorlooriannga angussuugama
qunussananga akiuttoq malinnut
sapissanangattaq silarlussuarnut.
5. Ilinniagassakka naammassivakka
atukkakkalu ila naammageqaakka,
uannut perorsarama tamanik
naliitsunik allaat timersuutininik,
inuttut inuugama kiffaananga
asallugu aamma nunarsuara.
6. Kingornutaruuk sapiaassusera
inuuninnilu ilungersornera,
kalaallisuiq nunat illersoruk!
oqaatsivut, kulturi sernigiuk!
Ataqqiuk, attaviguuk nunagaarput
Kalaallit Nunaat uagut pigisarput
7. Kingulliaq illit, atukkatit ullut
perorsarfigissavatilli uattut
ilinniagassatit aallunniakkit
tamakkerluinnarlugit nukisit!
Isit, siutit, timit, tarnit, qaratsat
atukkit, asissornagit qanganitsat!
8. "Ilinniagassatit aallunniakkit!"
Oqaatsikka taakku ilunni pigikkit
ilinniagassannut tutsittuakkit,
eqillugit assakka aamma tigukkit!
Sapiissuseq taanna isaassara illit
tiguuk, atoruk, ikiukkit kalaallit!

